



N 21/2193  
29/03/2023

2193-21-2-202303291631



შპს „ჯეოსტილს“

მის: ქ. რუსთავი, დავით გარეჯის N36

ელ. ფოსტა: [office@geosteel.com.ge](mailto:office@geosteel.com.ge)

სსიპ გარემოს ეროვნულმა სააგენტომ განიხილა თქვენ მიერ გარემოსდაცვითი გადაწყვეტილების მიღების მიზნით, წარმოდგენილი N23 განცხადება, რომელიც ეხება ქ. რუსთავში მეტალურგიული საწარმოს ექსპლუატაციის პირობების ცვლილებას და გაცნობებთ შემდეგს:

- გზშ-ის ანგარიშში აღნიშნულია, რომ საწარმო გეგმავს წიდის დროებითი განთავსების უბნის მოწყობას. დაზუსტებას საჭიროებს წიდის დროებითი განთავსების უბნის შესახებ ინფორმაცია, კერძოდ იქნება ღია თუ ნაწილობრივ დახურული/შემოღობილი, მოპირკეთებული და სხვა. ასევე დასაზუსტებელია ქარის დროს წიდის წვრილი ფრაქციების ამტვერების საწინააღმდეგო შემარბილებელი ღონისძიებები;
- გზშ-ის ანგარიშის თანახმად, საწარმოს წარმადობა გაიზრდება დაახლოებით 72%-ით, შესაბამისად, მოცემული უნდა იყოს გაზრდილი წარმადობის შედეგად, არსებულ მდგომარეობასთან შედარებით, გამოყოფილი მავნე ნივთიერებების რაოდენობის შესახებ ინფორმაცია;
- გზშ-ის ანგარიშში არ არის განხილული ტერიტორიის ალტერნატიული ვარიანტები, რაც საჭიროებს დაზუსტებას;
- გარდა ამისა, წარმოდგენილი უნდა იქნას ელ. რკალური და ინდუქციური ღუმელების გარემოსდაცვითი უპირატესობების შედარებითი ანალიზი;
- დაზუსტებას საჭიროებს ფოლადის გლინვის პროცესში საბოლოო პროდუქტის მიღებისას წარმოქმნილი წუნდებული ნარჩენის (არმატურა, წნელი) შესახებ ინფორმაცია, მათ შორის ხდება თუ არა მისი კვლავწარმოებაში გამოყენება;
- გზშ-ის ანგარიშში სხვადასხვა თავებში აღნიშნულია, რომ კომპანია საქმიანობის შედეგად წარმოქმნილ წიდას ათავსებდა შპს „რუსთავის ფოლადის“ წიდასაყარზე.

„ნარჩენების მართვის კოდექსის“ თანახმად, ნარჩენები უნდა გადაეცეს შესაბამისი ნებართვის ან/და რეგისტრაციის მქონე ორგანიზაციას შემდგომი მართვის მიზნით. გაცნობებთ, რომ შპს „რუსთავის ფოლადის“ წიდასაყარზე არ არის გაცემული გარემოსდაცვითი გადაწყვეტილება. ზემოაღნიშნულიდან გამომდინარე, დაზუსტებას საჭიროებს რის საფუძველზე ახორციელებდა შპს „ჯეოსთილი“ საწარმო ნარჩენი წილის განთავსებას შპს „რუსთავის ფოლადის“ ტერიტორიაზე. შპს „ჯეოსთილის“ სამინისტროსთან შეთანხმებული 2021-2023 წლების (03.09.2021; N15709) კომპანიის ნარჩენების მართვის გეგმის პროექტში მოცემული ინფორმაციის თანახმად, კომპანიის საქმიანობის შედეგად წარმოქმნილი წილის დროებითი დასაწყობება მოხდებოდა 3 წლის ვადით. ასევე გაცნობებთ, რომ საქართველოს კანონი „ნარჩენების მართვის კოდექსის“ თანახმად, ნარჩენების დროებითი შენახვის ობიექტზე ნარჩენების დასაწყობება დასაშვებია 3 წელზე ნაკლები დროით, თუ ნარჩენები განკუთვნილია აღდგენისთვის. შესაბამისად, გზმ-ის ანგარიშში მოცემული უნდა იქნას კონკრეტული ღონისძიებები, წარმადობის გაზრდის შემდგომ და ისტორიულად წარმოქმნილი ნარჩენების (წილისა და ფილტრის ნალექები) შესახებ, კერძოდ როგორ უზრუნველყოფს კომპანია აღნიშნული ნარჩენების შემდგომ მართვას;

- დაზუსტებას და ერთმანეთთან შესაბამისობაში მოყვანას საჭიროებს გზმ-ის ანგარიშის და ზდგ-ის ნორმების პროექტის სხვადასხვა თავებში მოცემული ინფორმაცია კომპონენტების შესახებ (გოგირდის დიოქსიდის ჩათვლით), რომლებზეც ხორციელდება უწყვეტი მონიტორინგი;
- ამასთან, ზდგ ნორმების პროექტში ელ. რკალური ღუმელიდან გაფრქვევების შეფასებისას წარმოდგენილ იქნეს გ-39 წყაროზე - როგორც შეწონილ ნაწილაკებზე ისევე ნამწვ აირებზე უწყვეტი მონიტორინგის სისტემიდან მიღებული მავნე ნივთიერებათა კონცენტრაციის მაჩვენებლების პროგრამული ამონაბეჭდი, რომელიც ადასტურებს დამონტაჟებული მოწყობილობის მიერ მიღებულ შედეგებს;
- ატმოსფერულ ჰაერში მავნე ნივთიერებათა მონიტორინგის გეგმაში გათვალისწინებულ უნდა იქნეს უახლოეს მოსახლესთან მონიტორინგის ყველა წერტილი;
- ატმოსფერულ ჰაერზე ზემოქმედების შემარბილებელი ღონისძიებების გეგმაში დამატებით გათვალისწინებული უნდა იქნეს გაფრქვევის შემცირების კონკრეტული ღონისძიებები საწარმოდან არაორგანიზებული გაფრქვევების, მათ შორის ჯართის ღუმელში ჩატვირთვის ოპერაციებიდან, ასევე, საწარმოს ფუნქციონირების შეზღუდვის ღონისძიებები (მათ შორის არახელსაყრელ მეტეოროლოგიურ პირობებში და სხვა)

გარდა ამისა, გზმ-ის ანგარიშთან დაკავშირებით გიგზავნით სამოქალაქო მოძრაობის „გავიგუდეთ“ მიერ სააგენტოში წარმოდგენილ მოსაზრებებსა და შენიშვნებს.

გთხოვთ 1 (ერთი) თვის ვადაში უზრუნველყოთ დაზუსტებული/დამატებითი ინფორმაციის სააგენტოში წარმოდგენა. აღნიშნული შენიშვნების გათვალისწინებით

დაზუსტებული ინფორმაციის წარმოდგენამდე სააგენტო მოკლებულია შესაძლებლობას იმსჯელოს გარემოსდაცვითი გადაწყვეტილების გაცემის თაობაზე.

თამარ ფიცხელაური

*თ. ფიცხელაური*

სააგენტოს უფროსი

სსიპ გარემოს ეროვნული სააგენტო

